

Fundacion Adopt an Addict mester di un halfwayhome pa hende muhe

Centro di rehabilitacion ta birando hopi importante

ORANJESTAD - Vice-presidente di e Fundacion Adopt an Addict, sr. Frank Tieleman a declara na BON DIA Aruba cu creacion di un centro di rehabilitacion ta birando hopi importante na Aruba.

Nan ta confronta caso di hendenan cu despues di un proceso di rehabilitacion ta cay bek den e problema di droga; y no tin caminda pa nan bay actualmente. Igualmente nan tin urgen-

cia riba un cas femenino, ya cu tin hende muhe como cliente cu ta biniendo for di Santo Domingo, y no por hinca nan gewoon cu e hendenan homber den e halfwayhome "Cas Speransa" na Moko.

E situacion ta cu e hendenan aki si no ta wordo canalisa debidamente, despues nan ta bay bek ariba caya, ya cu e famia di e adicto ta bisa cu nan no kier nada di haber cu nan tampoco.

E hecho aki ta debi cu e famia tambe ta haci un intento pa rehabilita nan serkeri, pero den e intento aki e persona ta cay bek den droga, y nan ta perde tur entusiasmo y speransa.

Fundacion Adopt an Addict mester haya e sosten financiero di parti di nos comunidad pa asina nan por traha hopi mas.

Nan tin necesidad di un halfwayhome pa hende muhe, pero actualmente

nan no tin e fondo pa realisa e proyecto aki.

Actualmente directiva di Fundacion Adopt an Addict ta bezig cu varios plan, y nan tin un comite cu ta trahando ariba e forma con pa recauda mas fondo pa e labor noble cu nan ta realizando pa nos comunidad.

Sr. Tieleman a bisa cu riba e tereno aki nan ta trahando riba varios proyecto pa asina nan por haya fondo

aden pa yega na e meta-nan cu nan por logra.

Vice-presidente di e fundacion aki, sr. Tieleman ainda nos por divulga nada, ya cu ainda e fundacion no tin nada concreto riba papel riba nan plan pa recauda fondo durante 2012.

Naturalmente nan ta purbando pa bin cu mas actividad pa asina trece mas fondo aden pa e fundacion por draai, y realisa nan proyectonan pendiente. □